



五言古詩 附六言 卷三

鼓山觀海

山行卽事

家藏董宗伯真蹟

虞山登讀書臺

斗月朔雨後湖樓雅集

烈婦篇

觀獵

自慚四首

容安早春倡和

送禹九家孟司閩粵東

閩女伶演劇


聖塘橋觀水

溫泉

方烈婦

雪夜與雪扶上人鼓琴

仝人讌集湖上遲友不至



會文後席間分韻

周氏母節子孝

容安六君詠六首

湖上泛荷

辭雲浦招飲

食荔支

史畧

盛暑後西堂雨霽見月

義犬行

題自畫石蟹

弔柴虎臣先生墓有小序畫秋水芙蓉

容安自照六言

春日即事六言

容安詩草

五言古

錢唐胡榮志仁著



鼓山觀海

鼓山在閩地懸崖峭壁幾千百仞登巔海出其下亦奇觀也

策蹇走危巔。所志在貪玩。盤紆二三里。松陰無間斷。聳身

浮雲表。搖搖心志亂。天水總不分。何從見彼岸。微風撲面

來。白浪連沙漫。鷗鳥忽入林。漁舟還自散。懸崖絕似鼓山

寺。殊慘澹。大海果無窮。不覺發長嘆。

山行即事

山行逐春光。曳步寫幽獨。兼愛碧水潯。言入青溪澳。拂草

寫水勢浩瀚處

筆如有神昇

天空海濶詩思

亦然

弟錢經紳拜

評

清微淡遠深得

古意道夫

側足行頻危。屢緣竹。虺蛇驚落花。蝸牛傍槁木。深恐此心  
思。蒼茫望平陸。乃從斷崖口。倏至前山麓。聳身陟盤紆。晴  
雲起幽谷。孤高見物情。俛仰成寒燠。樵路有人聲。如可便  
親睦。孰知山磴轉。僅見牛羊牧。鳥行松上風。蜨趨園中菽。  
物物使情多。自匪修士福。欲語幽居者。願此山下宿。天地  
豈不容。吾其問渺穆。

如入桃源

徐子健詩

### 家藏董宗伯真蹟

真難勝偽古今同慨余嘆識者  
之希因為賦此

墨跡貴其真。辨識具眼目。玩好而真藏。那忍埋囂俗。董公  
竭精神。落紙凝山嶽。走腕驚跳龍。鐵筆透蘭幅。清秀迫不

容安董宗伯真蹟

希世子每

閱必流連竟日

今得此佳什不

特董公生色而

予亦為之吐氣

矣龍川滇

群。老氣隨起伏。圓朗若盤珠。堅潤擬琢玉。吁嗟列冠裳。託  
言鑒賞熟。但求嫵媚生。寧知骨勁肅。伴食竊榮名。甕牖負  
窮獨。詭遇恥良工。不假遷正轂。伯牙甘絕絃。卞和悲抱璞。  
未逢孫陽顧。駮耳同駑足。展卷常自怡。掩軸常自勗。干將  
寶烈士。丹鉛美人掬。世多井底窺。安知天於穆。

### 虞山登讀書臺

遠眺凝烟靄。書臺高縱橫。虞山憑郭峙。邨舍望中盈。怪石  
無心坐。虬枝老失名。小亭覆丹井。仙去水澄泓。古迹依稀  
得。新裁煥采生。丹楓猶帶葉。馴雀獨閒鳴。禁肅無侵擾。園

命意高雅發辭

著秀心霞評

一結古雅

王仲昭評

如此雅集韻有

佳詩紀之如四

園之有蘇米也

馮山公僭評

丁嬾送迎。鄰庄簫管沸。頌讀杳亡聲。逸步閒吟句。梅枝遮  
道楹。逡巡失歸路。樵婦引前行。燕語柔難解。羊腸辨頗清。  
指云向個所。不覺見西城。

十月朔雨後湖樓雅集

朝暮湖上游。湖光若轉轂。秋謝冬復初。山水隨時逐。落葉  
舞殘黃。重煙迷遠麓。淒風襲人衣。液雨當面撲。雅集湖上  
樓。于野追芳躅。老成遲不來。群賢喜湊輻。一觴繼一詠。天  
霽雲斷續。出沒先鴈奴。新泉響岬澳。嶺梅開南枝。長虹反  
西轟。日短情更長。聚散一瞬目。興餘重洗盞。夕陽在山谷。

送我入城闈。歸寢娛幽獨。

烈婦篇

天地有正氣。原非擇人授。陽為剛明姿。陰秉堅貞守。陰陽  
無雜揉。凜凜俱不朽。倫常得是人。能將大義剖。莫謂忠孝  
奇。節烈任所為。縱使柔弱質。志立永不移。以余觀烈婦。意  
念良甚淡。非以博名高。第曰安吾心。嬾為名閥女。壺德所  
素嫻。孝情既懇摯。自幼幽且閒。結褵得名彥。夫子不易才。  
猶復勤佐讀。方期朱紱來。忽爾違陽九。調藥躬織手。貞疾  
已三年。能以身代否。身為君子身。詎作鴻毛輕。願向君前

亦冠亦裳以雅

以穆

鄭丹書

天地為之吐氣  
日月為之增光  
世弟沈宗嘉

拜評

死不為君後生。夫婿好語慰。聊復忍須臾。一朝名修文。觸棺誓捐軀。姑嫜力勸阻。阿母謹抱持。投環至再三。九死甘如飴。吞珥猶可防。廢餐不能強。再拜尊章前。心死難終養。姑幸尚有叔。母亦復有兄。兒惟循分耳。豈必以為貞。祇恨非男子。熱血無所噴。化作千年碧。相與扶乾坤。志既不可奪。一死三網明。何意閨閣女。具此奇烈情。可以作忠孝。浩然氣常存。從容與慷慨。難易何復論。

觀獵

霜曉聞笳動。將軍出獵營。羸軀未備武。觀目較分明。怒騎

閑逸幽峭絕似

襄陽

恬菴

奔騰疾。旌旄夾日行。龍韜啣月影。細鎧着花輕。後五方成列。前驅漸杳冥。晴郊奮蒼犬。林樾趁饑鷹。蘭石雷轟發。飛星沒羽稜。虎狼直膽落。鳥雀悉心驚。倏向深山散。旋來曠野屏。餞收歸絡繹。滿載兔狐腥。毳帳鳴鼉急。烹鮮擘野迎。隨旗逐隊整。威赫總難名。偃武當平世。秋旼亦耀兵。縱言羅甲冑。視此勿與爭。

自慚

學步饜虛譽。塗鴉浪有聲。人情逐好惡。豈計五車盈。膾炙頻聚散。充間樂我生。居諸敢忽忽。羨煞大儒名。

四詩有實際不  
同泛泛之章

弟昇

聘驥列金釵。錦衣兼繡食。少年狂放情。安知是物力。回顧漸成非。以此悟前失。鼎滿常自懷。毋使少傾側。

百計無一成。累事日以煩。漫言向平願。子復又生孫。誰云強可仕。反拙謀生源。蹉跎歲華過。安得黃金盆。

通藉媿循名。天衢爭梯級。乘肥遂爾爾。胡為乎什襲。既讓終童纓。復遜班生筆。豈以雷劍埋。終老供書笈。

容安早春倡和

促膝聊自容。高軒何枉顧。梅花香倍幽。亭榭春風度。枝頭鳥語新。簷柳青初露。薄雪池漲添。滌硯供管兔。我師倡句

神氣穆穆可以銘之座右

弟金小郊詩

高潔得玉孟之

神仇禹安

成群吟爭欲赴。酒濃情更深。清謳凌玉樹。美量不貪酣。竟日有神趣。知已愜素心。雅集稱良遇。

送禹九家孟司閩粵東

昆吾秣利劍。出匣光激灑。雁序有偉人。折衝在壇坫。幹略本家風。專閩兩資崇。而今百粵任。石埭高鴻蒙。東望青嶂岫。遙識墨江秀。玉帳耀龍文。牙旗旋虎吼。保障海南涯。兵民何熙熙。我兄秉廉潔。食祿在明時。樞機長決勝。揆奮兼徵應。正當強仕年。克際分旄命。花萼擬交歡。行旌促河干。願飛一觴酒。直向粵東看。

文以情生非平

常投贈者比

與廷

閨女伶演劇

聲色推盡美。歌姬艷莫比。態度有餘妍。摹倣傳奇旨。香喉  
圓似鶯。絃管按商徵。玉臉映烏巾。繡衣不勝體。步搖壓錦  
裙。妙舞逞絕技。得以縱目觀。輝煌耀雲裡。

聖塘橋觀水

西湖有大閘。蓄水千百頃。每逢久雨時。湍急瀉山嶺。遠聞  
萬馬奔。近視目眩影。晝夜澎湃聲。非復常時靜。銀浪幾里  
翻。濺珠相搏併。乍作冰峴堆。忽似雪崖隕。白日發轟雷。呀  
呷長鯨飲。鵝鳧雜逐飛。盜盜如沸鼎。千片玉峽開。能沁人

何物女伶得此

品題佳話

吳大光

新句絕釋古意

鐘鐸皆之韻長

卿集中應莫可

辨 陳石雄

心冷下漑數縣田。直沒百村町。大魚無技遊。小魚安敢騁。  
舟子計洋洋。踰遷乘小艇。得魚換酒歸。既醉復又醒。扣舷  
一聲歌。天地任冥冥。

溫泉

山川每毓異。大地盡天工。晝夜泉溫沸。常如鼎鑊鎔。雲潭  
濯日月。却病有神功。非比唐湯池。蓮花綺技窮。浮煙籠氣  
白。玉女素車逢。閒署無他事。滌邪以整躬。披襟一何快。揮  
扇有和風。始知挾勝處。盡在玩遊中。

方烈婦

抑揚盡致雲潭

句尤妙

王履方

乃毛雀舫先生

女弟

結得黯然亦能

自關境界

弟蔡維寅拜

評

曾聞連理枝。凜凜標大節。何以甘如飴。勢固有所迫。傷哉黃鵠歌。中夜自嗚咽。七年會不雙。此志寧再決。譬彼隨陽雁。不為畏霜雪。譬彼引針磁。所契在金鐵。嗟嗟烈婦心。已自樓前結。懷此十餘年。肯向旁人說。既見馬鬣封。大義當決絕。持以告高堂。慰勸徒切切。細為阿兄陳。時與理並徹。尊章與嗣子。從容道長別。此日若可挽。請看祥符血。貞珉書不盡。傳隨中壘列。莫作詹詹言。僅謂死同穴。

雪夜與雪扶上人鼓琴

扁舟入姑蘇。山塘鋪白練。方將擁寒衾。禪友忽招讌。竟布

眉山固是風流

種佛印尤為解

脫僧愛殺歌兒

嬌度曲碧簫紅

豆問青燈

矩率筆求繁

珍錯盤不作。伊蒲饌談玄。入妙理。鼓柱凝冰霰。冷冷驚宿鴻。三弄了。忘倦。以此久著名。宸章因赫炫。姣童散過雲。老僧蕭似線。一詞復一曲。既醉且畱戀。誰云五戒苦。未識如來面。夜半冒雪歸。舉步若人倩。

全人讌集湖上遲友不至

仲冬寒漸烈。日彩亦成雯。芳辰共尋勝。放棹湖之汾。二三皆知己。詩名頗有聞。張子遲不至。吳子復離群。何必見安道。興至聊自欣。信友烹雞黍。臭味若蘭芬。裁箋歌白雪。揮毫作五雲。仰看四壁峭。俯視一水分。梅為小春放。寒潭靜

寫人寫景別具

一種曠致

小姬王其位

波紋遊人有同志。雜遝間紅裙。流連忘日暮。山缺啣斜曛。攜歸重洗盞。挑燈夜論文。

會文後席間分韻

逾月卜一聚。到來心已欽。啣杯情不淺。握手意逾深。風雨常侵耳。雲霄自稱心。寸衷抒雅抱。一語付高吟。夜半猶分燭。相將同鼓琴。

西古若老必傳之作 張景龍

周氏母節子孝

天地毓正氣。節孝生大義。而况萃一門。亘古稱莫比。未遂齊眉歡。忽作斷機志。劃荻與丸熊。慈愛等一視。教子得令

交互得神

磊落入情亦復

蘊藉入妙真

漢魏遺音不墮

凡響 徐雲奕

名子孝親心。遂願以斑璘舞。用慰茶蘼味。烏助墓廬哀。鵲馴屋角異。嘉謨里巷聞。璽書宜褒賜。五花降自天。坊旌轟雲際。千秋表義方。彤史留文字。

容安六君詠

太史毛先生大可

先生千尺柯。令人不可仰。清正著廟廊。獻賦絕摹倣。吏隱抱長才。剛書日益廣。博古五車盡。大椽畫鐵響。詩酒多自怡。翫遊亦欣賞。古道能照人。雄談每侷儻。鶴髮覆童顏。丰神清且爽。蒲輪旦晚來。謀猷在指掌。

每集容安必多

倡子汝和離即

眷戀今得此作

可以傳之不朽

大為余輩快事

西河毛奇齡

秘閣王先生仲昭

孤陋匪所恃。仰藉惟老成。博聞而多識。乃邇王先生。聆之似春日。懷之似秋旻。鳳閣稱世守。著書居絲綸。處事盡古道。下語未肯輕。高逸竹林趣。目瞬古今平。

徵君吳先生慶百

吳公世誼交。予少卽傾企。直筆撰春秋。不作炎涼勢。雄風思破浪。博學重天帝。才高難見容。歸而學益秘。縱情山水間。鹿門乃避世。高車常在顧。一尊橫天地。下筆走千言。清風生論議。豪邁迥不群。望之欲趨避。

學博陳先生石雄

學博穎川公。雅望世所無。志不競名利。吟咏日以娛。奇文膺鸚薦。外翰心樂與。一榻清風古。臨過二王書。彷彿太丘長。德星聚闔閭。高賢有如此。契濶不成虛。

中翰王夫子聖集

吾師本瑯琊。抱道名久著。器宇媿三槐。曾未與物迕。窮經洩秘藏。論文無朝暮。前身修禊來。詩賦有神助。鵬翮已奮飛。不矜亦不怖。嘗懷執玉躬。言行可飽飫。經歷四方盡。謙謹益以固。栽德慶有餘。長厚難盡語。

胡子多今德謙

沖世所無濡毫

弄柔翰斗酒堪

自娛風雅迥絕

倫素心樂交與

結廬環綠陰綸

閣淨琴書尚風

媿安定學堂播

里閭悠然不自

滿有道管若虛

遇麒次韻

題

郎官解外舅逸菴

峩峩泰山巖。培塿未敢望。皎潔冰壺中。和藹可相向。青紫乃末技。好古弗多讓。翻書鳥跡窮。談劍龍精壯。鄴下著才名。眼空天地曠。出而大奇勳。考績應居上。

湖上泛荷

西湖有好風。兼之藕花妙。停泊最深處。清香來繞棹。垂柳覆重陰。青山供遠眺。閒雲逐往還。鷗鷺憩水隩。得友皆素心。幽致乃同調。吟咏聊寄情。尊壘共傾倒。清譚契玄微。俯仰適懷抱。竟日已忘歸。高峰餘落照。

當擊玉如意歌  
之 晚生矩

辭雲浦招飲

冒雪走西溪。役役抑何苦。兼之步履難。此情無可語。折竹旣阻道。泥溪淡沒距。曾記千萬山。茫茫未知處。梅雪總不分。村鄉悉閉戶。肩夫凍欲僵。乘騎幾顛迂。飄零濕著衣。斜風侵肺腑。望歸福有餘。安敢圖歡聚。

食荔支

賦得方紅味鮮  
新君獨嘗海棠  
剛睡醒檀口露  
閩夏苦伊鬱。葱蒨蔽庭屋。枝頭荔子紅。香色喜兼逐。楓亭產最佳。官舍顏鮮沃。光圓綴驪珠。纍纍若霞簇。味甘沁脾肺。寒漿浥冰玉。土號十八娘。胭脂籠縐縠。毋怪置驛傳。嗜

擬香

弟紹曾拜題

好本非獨。石髓與瓊芝。神仙應未足。

史略

鴻濛忽開闢。首御誰為之。君臣既定制。興廢無已時。強弱有異勢。向背繫安危。唐虞而三代。嬗伐皆所宜。七國日爭競。王室漸衰微。國為疆秦并。華麗踵自茲。漢雖得其人。雜霸逞邊陲。代替十三主。中興稍足持。王莽與王玄。篡殺實可譏。後漢兩傳耳。晉始襲其基。餘復漸消落。一統志有為。由宋而數隋。齊死罪本非。梁餓及隋弒。肆亂千古疵。荒淫敗明德。廣乃亡國兒。天道亦好還。唐兵起紛披。長驅騁席

以史才作史略

有關世道非淺

變傳珍拜許

捲隋壞唐奮飛。貞觀垂盛治。登瀛士盡隨。一傳及高宗。妖

后種禍機。自此唐祚衰。天寶多侈靡。享國漸不永。強宦繼

兒戲。後唐暨後漢。契丹日奔馳。藝祖起陳橋。太平從此宜。

先北而後南。卜年三百齊。遼金起朝暮。腹患無復醫。才人

兼道學。黨錮亦未稀。二帝殂沙漠。和議誠乖離。南渡自此

始。檜罪其誰欺。嗣後七八傳。昱昺迫元追。溺賢數十人。帝

亦沉水涯。天祥秉忠烈。骨死亦堪悲。天命已屬元。混一人

心歸。尊隆推自始。武英仁孝慈。凡此九朝代。崇賢尊孔師。

伯顏哈麻輩。猖厥肆陵夷。相延有十朝。長次位參差。明兵

煌嘗過庭時

大人每以讀史

為訓然苦乏記

卷之五

五言古上

誦之功今反復

拜讀知言簡意

該真尺幅中上

下千古

暖煙

初入境。順帝號亦哀。傳孫不傳子。逐削苦自遺。後又十五  
帝。兄弟自相私。懷宗乃末爾。變患誠慘悽。歷觀古復今。忠  
奸史不移。致禍每自取。代替旁已闕。人心雖可格。天意安  
能違。擁書日繼夜。此理無復疑。長吁亦長嘆。世事盡如斯。

盛暑後西堂雨霽見月

三夏未過半。伊鬱若坐甑。梅雨不言靈。陰晴竟無定。披襟  
黃雀風。幽致乘雅興。濯枝雲更佳。炎涼變一瞬。時蜩鳴柳  
長隰。荷泛水潤。吳雞新擘窠。碧筍初破陣。乍見明月來。娟  
娟漸如鏡。相與步庭除。高臥較未稱。

數語雅秀絕倫

吳通拜許

義犬行

盧氏之重環。美為詩所取。毋怪嗥嗥鳴。吠各為其主。未敢  
作明言。此中多楚楚。古有展草奇。不為焚溺迂。而今世道  
衰。人事翻難許。恩怨較人物。意氣真消沮。吾家有舊屋。畜  
犬忘年數。一旦此宅空。犬有喪家苦。朝出寄人食。暮還守  
外戶。有日故主來。欣喜若欲吐。眷戀不復離。余心惻如縷。  
彼知恩所從。我念生物與。遠過黃耳靈。不僅周狗伍。歷歷  
耳目間。情義誰能侶。

衣冠中有朝辭

故主暮事新君

者讀之汗下

李春生

工巧自然咏物

題自畫石蟹

妙手

表姪莫元

溪邊有石蟹郭索爭往來。誰謂無腸子。橫行介冑堆。十月  
水痕落膏肥不自危。釀得清醅熟。持螯亦快哉。

弔柴虎臣先生墓

吾郡柴省軒徵君一代儒宗也。柴氏累世通顯一門弟  
昆先後成進士徵君獨志節清峻博極群書與陸麗京  
陳際叔諸先生稱西冷十子中年有所感隱居西湖四  
方從遊講學者數百人撫軍忠貞范公奉 詔舉山林  
隱逸辭不應嘗寓書於友人曰日惟著老羊裘篝火垂  
幕擁殘書吟諷不知門有車馬客當世高之卒葬於南

詩體直逼漢魏

必傳之作

弟世堂拜

山花家圩學使周蓉湖先生題其墓曰崇祀理學名儒  
柴省軒先生墓余少時即私企徵君名今得與嗣君陞  
升交每偕過墓門不勝慨想爰作詩以弔之

西冷有十子高誼溯柴公。青紫等末技。藏書著漸窮。講學  
繼南溪。明道抵中庸。鹿門常避世。縱情山水中。吟咏日自  
娛。經濟非樂從。徵聘返車騎。亘古亦希逢。長松喜蒼翠。好  
花開自紅。每從南山遊。瞻仰謁高風。

畫秋水芙蓉

釀露木芙蓉。迎寒逞紅艷。冉冉凌秋波。芳姿成獨眩。照水

高古幽秀醉人

心目 吳寶崖

浥流霞。玉環沉醉面。藏嬌春正酣。慶向秋江見。

容安自照六言 甲申冬日之作

直道果自難行。枉道我心不願。先生無可如何。付之不聞  
不見。倚杖且作逍遙。高坐不爲世炫。天理無可營求。靜聽  
窮通轉變。

雖借感發實有

真味

姪垣拜閱

春日卽事

春至風光韶麗。春花開處嫣然。春雲窺戶欲入。春鳥調聲  
聞妍。春樹幾叢靄靄。春泉一道潺潺。春晝頓忘寂寞。春閒  
高似神仙。

用筆在蘇李間。鮑謝應劉瞠乎後矣。東川汪彞僭評

古詩至今不可問矣。能以老筆寫其深情。固應推倒一  
世。容安年尚富積而爲之。吾恐石破天驚漏秋雨也。星

叟吳農祥

集中觀海觀獵觀劇觀水諸作。皆敷華纈藻。此真修五  
鳳樓手也。豈編茅架屋者所可望其尺寸耶。愚姪垣拜

七言古詩

附九言

卷四

中元夜集湖上

聽兒子讀書於梅花書樓

赴試後同人小齋探桂

七月二日家慈誕辰玉樹  
發花紀異

結交行

蘇堤行

擣衣聲

梁公硯

臘前孤山尋梅

答同人送別吳門作

題毛女圖

兩登釣臺懷古

金蘭詞

烈女孫秀姑

環青亭坐月

容安九子詩九首

贈柴子詩

友人索題月夜芙蓉畫

畢吏部歌 有引

同人山過煙霞石屋抵滿覺

毘陵五月十三日觀燈書  
所見戲作九言

容安詩草 七言古

錢唐胡榮志仁著



中元夜集湖上

薄霧輕煙鎖晚湖。半明月影散金鋪。買舟載酒斷橋去。水  
碧山沉入畫圖。沿堤燈火如錦綺。蘭鷁笙簧振雲裡。左貪  
角技開新聲。右顧垂簾妖冶子。繁華雜遝戀無休。還向孤  
山北。岍遊幾處禪鐘宣佛偈。一腔清曲在高樓。高樓誰氏  
多幽致。惠然而來不我棄。紫簫湘管佐香喉。洗耳靜聽心  
欲醉。謔聲響朗上閣雲。為雲為雨何紛紛。風雨無私微有

情真景實而能

補入什中一絲

不遺一字不苟

對此恍然在目

毛初晴

時毛初晴太史  
共論古禮樂

妬蓬牕四閉更論文。座有老成傾玄秘。五禮五樂皆古義。始知又讀十年書。此夕聆言應舍避。

聽兒子讀書於梅花書樓

晴風吹無力。雛燕語悠柔。閒情正惹倦。書教來高樓。高樓讀書聞四野。清清楚楚何瀟灑。古今青紫有定期。所慮芸窓聞見寡。曾云鐵硯磨欲穿。又云刺股夜不眠。人生淬礪能有幾。瞬息塵纓繞目前。

黃鐘大呂之音  
弟經紳評

試後同人小齋揆桂

人道春花經眼新。我看秋花不讓春。天香蓓蕾金初吐。相

起執翠律

一結發人多少  
感慨 王仲昭

將把玩毋逡巡。舊集新詩拉素友。箇中盡是扳桂手。雕龍繡帟各逞雄。射鹿強弓屬誰肘。徐子彬彬抱質文。奇才磊落凌秋雯。瑯琊王子稱豪邁。雋氣風流迥出群。座有太白之苗裔。芙蓉鏡中推喬梓。吾家諸仲純雅多。議論明穎亦佳士。拈韻題箋風雨驚。琳瑯盡向舌根生。句香與桂競馥郁。上徹雲開爽氣清。酌酒雅歌相較技。來朝仍泛尊中螳爾。我弗作炎涼。看春花秋花總如此。

七月二日家慈誕辰庭前玉樹發花因紀其異

七月二日介母壽。晉酒一觴擬萊袖。親朋濟濟登我堂。陋

古調深情絕似

李供奉而逸秀

尤過之錦堂介

壽秋登春花得

此佳什其文其

事俱可傳矣

徐簡

二語合拍

巷一時誇輻輳。庭前玉樹忽發花。瑩白高擎香氣透。喬柯  
直上拂層雲。冬盡春開有時候。吾友學博為我言。地靈得  
氣應康祐。早卜耆壽無算期。子孫振振肯堂構。我言親朋  
駢集如春籟。致令草木欣欣就。人生良日不可多。况是北  
堂護草茂。但願韶華歲歲新。常教花底雲璈奏。

結交行

古人結交尚慷慨。意氣常傾一斗膽。自喜論心無爾我。何  
復形骸醜與淡。如今交態何林林。朝約一言暮違心。交情  
原不論今古。舉世寧復無知音。君家意氣薄雲天。磊落英

轉得又好

身分畢露

一結增我三嘆

三瀆

世味交情令人

欲歌欲泣

徐雲奕

奇豈偶然。寸心相對。然諾重交。淺情淡更足賢。自許已逢  
千載傑。常把一樽為君說。晴雲遠岫比君高。皓月清風擬  
君潔。披襟相對心曠然。擬將世事作等閑。懷瑾握瑜終自  
飽。莫令長嘆傷容顏。蓮藕不沾泥滓濁。明鏡豈因塵土撲  
而。我不作世俗交。紉蘭之贈為君樂。君不見長安市上貴  
少年。金鞍玉勒珊瑚鞭。腰下吳鉤照霜雪。凌雲之氣何翩  
躚。丈夫不愧名不稱。但恨遇合應有定。擇交自貴具隻眼。  
肯與等閑齷齪訂。嗚呼人情翻覆未可知。假君匣裏水一  
池。長嘯西風吹落葉。紛紛輕薄付流澌。

步武初唐詞華  
煥發風度猶夷

弟昇

帝京篇豈能獨

步

雜之元白集中

亦復不辨

徐樹拜評

○蘇堤行

西湖春漲碧連天。蘇公堤上草芊芊。桃花欲笑羞紅浪。柳  
葉低窺駐翠烟。晴空百丈游絲舞。景物融融何媚嫵。笙歌  
婉轉闌新殺。欸乃依稀鳴遠浦。蘭橈彩鷁擁嬌娃。飄飄蟬  
鬢壓金釵。羅襦斜綰同心結。蓮瓣輕鈎雙鳳鞋。誰家年少  
事遊冶。故向長堤騁驕馬。一聲嘶斷柳陌風。往來頻過花  
陰下。夾道花陰錦繡鋪。雕輪翠幃吐流蘇。琵琶幾處歌芳  
草。遊人雜遝醉醺醺。南屏鐘動天將暮。參差樹杪香塵度。  
萬家燈火接星光。千頃琉璃籠花霧。蘇堤日夜競繁華。簫

鼓頻催散晚霞。六橋明月流清影。十里紅樓簇絳紗。人生  
歲歲朱顏改。惟有蘇堤風月在。沽酒還須秉燭遊。逝水韶  
光豈相待。幽懷縹緲欲何之。等閒莫負太平時。君不見坡  
仙勝迹今猶在。流風千載繫人思。

擣衣聲

瑟瑟秋風何處至。清砧遠送添顛顛。誰家少婦甘斷腸。月  
明夜靜衣頻治。天涯遊子寒不歸。幾般敲動離人淚。挑燈  
獨坐不忍聞。起看瀼瀼珠露墜。

梁公硯

三字問得妙

王履方

二語秋聲萬感

小姪馮鼎

梁公製硯兼作銘。垂年千百光瑩瑩。銅雀鳳味差足擬。紫雲金宿共精靈。雲浦購之列書屋。貯水潑墨通滄溟。友人一顧驚拭目。千緡之價勿與爭。

臘前孤山尋梅得醉字

西風獵獵行人避。敲冰載酒呼朋類。湖上尋梅梅未開。一枝應向孤山試。老榦盤旋不記年。寒葩磊落多嫵媚。孤山處士流高風。千載令人思不置。空亭鶴放何時歸。四山響徹聞餘唳。登臨無復濁塵纓。逸思飄飄聊一醉。

答同人送別吳門作

寒威凜冽風霜迫。泛棹江湖作行客。不知若箇解遨遊。半是天涯老歲月。君家昆友稱二王。文章雋望兩相當。整日聯吟播筆翰。慙予睇視若僊鄉。投我陽春和不得。病軀伏枕未寧貼。去來非復有定期。漫唱陽關黯顏色。

題毛女圖

吾聞華陰女。入山求長生。晝夜食松柏。身如飛鳥輕。上山下山誰爲耦。威鳳文鸞相與友。有時跨鳳聽吹笙。有時調鸞作舞袖。春兮秋兮不計時。雲爲鬢兮桃爲姿。常倚石梁千尺好。不競蓬瀛海上居。而今酷好神仙術。圖得丹青真

蒸思觸緒英氣

橫空

王聖集

峭拔蒼老可稱

傑作 陸梯霞

古調高潔神似

供奉 龍門

神來之句

洪昉思評

妙筆有崖。蒼翠似可行。聳身竟入神仙窟。

兩登釣臺懷古

披裘不與世爭衡。把釣空臺欲謝名。三反品高垂漢室。足加帝腹識星精。蒼崖四壁懸千尺。江水潺湲縱目橫。未許投竿鯨食餌。且看東海有潮迎。虬松虎吼驚魂落。聳涌危巔轍跡清。俗諺利名昏夜過。獨予兩謁愜中情。升沉由數誰能挽。圈套獼猴自繫縈。日暮放舟吞晚色。琅歌一扣滿巘鳴。

古氣磅礴直許

慧眼道夫

金蘭詞有小序

戊辰之秋七月朔旬方畏溽暑昌熾好雨布諸啣啣偕  
仝人集於戴氏之小圃斯亦天假之良辰喜其芝蘭滿  
室幽香襲人圖書古玩悉陳几席雖乏山水嘉會彬彬  
人擬蘭亭之集數合七賢之賓盤餐既潔醕醢復醇不  
羨狂醉盡喜率真歸而適意爰紀其倫

戴子叔倫之後身。丰姿文采如秋旻。汪公慷慨世所慕。磊  
落英多如有神。義門金氏意致高。叔度黃氏氣尤豪。才情  
盡足傾朋輩。不與世俗爭醇囂。吾友孫子及吾弟。風流文  
雅擬蘭蕙。座中諸子匪新知。余亦樂附金石契。秋風颯颯

深情慷慨拾遺

得意之句

弟凌紹英拜

評

林外吹金蘭臭味沁心脾。浮雲變幻等芻狗。古道同敦在此時。

贈烈女孫秀姑

鳳皇山下環江水。山水靈鍾毓烈女。桑麻蓬戶自成村。賢愚雜遝相間處。少女孫氏方髫齡。孝義大綱可歷數。有夫未匹鴛鴦歡。中饋已同眉案舉。良人暫向姑蔑遊。鄰子倏來強暴侮。縫衣連衽矢志貞。既訴且悲肝雪剖。未甘一辱心皇皇。伏滷吞鹽不自苦。人生不烈名不香。生烈死香得其所。

响如屈鐵 沈時乘

三字樂府妙境

環青亭坐月擬閨怨

清光似鏡冷如水。穿亭故入儂懷裡。一番沁骨寄與誰。風聲又送寒砧起。寒砧起自誰家樓。紅顏薄命亦有儔。秋花秋月逐人老。不羨黃金滿身繞。

容安九子詩

龍門徐子雲奕

東海徐生本賢裔。持身惇行傾情誼。早年射策已明經。處非其時志未遂。著書抱道比南州。屬文鳳閣何多麗。每從然諾見交情。氣吐虹霓滿天地。

高山仰止景行  
行止雖不能至  
然心嚮往之讀  
其詩想見其為

人且不特想見  
容安主人之為  
人併想見容安  
諸君之為人自  
吾師龍門徐公  
外必皆軼倫超  
群者顧厨俊及  
之英名下自有  
真也拜跪受讀  
之餘盥露吮毫  
為識非敢佛頭  
著糞亦聊以見

稗畦洪子昉思

洪子才名貫古今。手揮風雨十指淋。嘯傲一生雙白眼。投  
機傾蓋幾同心。驅車饒有治安策。作賦凌雲世所欽。慢教  
山谷誇甥者。繼有英英偉抱深。

魯齋王子孝先

有寶刀集  
寶刀之集古莫比。一讀類似潛夫旨。不屑從人合轍車。臨  
風只自頌三史。孤情懷寶埋風塵。殷盤周誥曾壘壘。獨步  
才華又著名。馬卿四壁豈常耳。

恒齋胡子逸蘅

大被聯床稱友悌。華萼互吟成造詣。仲氏循循敦厚多。二  
者未嘗以偏置。曾誇泮壁躍龍門。興賢特典舉旗幟。丈夫  
挾策須待時。讎經校學乃祖志。

中齋王子履方

念載同牕共揣摩。邊生之腹如君何。家傳健筆追李杜。電  
眼看詩未許多。更欽內行獨醇備。流風日下挽江河。世有  
中郎應倒屣。浩浩白水無須歌。

雲浦胡子奐廷

二三兄弟皆知已。不循浮薄聊爾爾。奐廷綜博且多聞。池

欽慕之意云

楚中晚學韓  
矩拜題

塘有句應屬子。屬文敏妙遡淵源。才不如弟吾亦喜。常攜尊酒到西湖。倡和集成能貴紙。

繡園吳子尺牘

吳子延陵之望族。少年英雋具青目。好古床頭書五車。中林蘭蕙溫如玉。君家正仲之遺裔。每以魁才據胸腹。逸興風流詩更清。瓶花牋蠶書千幅。

三濱李子越千

時人作賦稱太白。李子丰華頗類之。閒家庭訓祖令伯。亭亭玉立多婉辭。愛吟夜月常達旦。抽秘必窮萬卷奇。雅志

不矜欽耆舊。裁詩濟世兩相宜。

容安

賦性麤疎聞見寡。構思立說喜僻野。欣逢諸子皆分投。文章議論真瀟灑。不辭風雨集容安。隨地傾尊情興雅。男兒有志志未伸。高吟寄傲應聊且。

贈柴子陞升

柴子才華拔萃奇。論交直欲遍天涯。英名早具將相質。理據中庸挽道微。雅好著書充汗棟。遡源今復有南溪。良朋久許相傾蓋。把盞評詩心與期。

九詩各如其人

之身分此關三

本厚麒麟功臣

于也(卷止淵

丰神搖曳賞心

之作

弟范允錡評

友人索題月夜芙蓉畫兼咏扇上美人

團團夜月照芙蓉。中有姮娥理絲桐。聲鼓送入錦江風。搖曳木蓮影西東。全欺冷艷秋水溶。浥露棲霞誰與同。獨窺皓魄過長空。不爭春色鬪嫣紅。

畢卓晉人喜飲為吏部郎盜飲甕下司酒者執之及旦乃知公耳公亦勿與較其曠達如此昔杜少陵狀飲中八仙余愛之今見畢公圖不禁有續貂之唱云  
銅陽畢卓性嗜酒。狂放不拘世罕有。一朝泥飲卧甕旁。寧為司人夜縛肘。生平志願亦未奢。手執雙螯傾大斗。甘辭

立論高起醒人

心目

錫劍

冠冕入醉鄉。天冥地寂老紅友。世人徒醒欲何為。曾識此公真醉不。

庚辰中秋同人過煙霞石屋抵滿覺山看桂聯句

亂坡屈曲遶群峰。胡容眼前古桂飛虬龍。王履嘉名何必

邀秦封。胡雲居民儼與桃源同。王魯千株錯落森叢叢。洪

思披霞浥露入雲中。吳尺飄揚不減來蟾宮。李越盤旋到

處天香融。胡曉行吟醉袖搏秋風。容安怡情踞石塵慮空。

履方靜聞澗水敲淙淙。雲浦穿林却與前山通。魯齋手攀

一枝驚兒童。昉思相隨無許溷乃公。尺鳧但得名花歲歲

逢。越千不辭遊興如酒釀。曉著

毘陵五月十三日觀燈書所見戲作九言詩

吳儂女兒未嫁學晚粧。月下燈前曳袖自聯行。絳燭晶晶  
熒熒相映發。杏臉檀唇語笑暗生香。來往千人留戀不復  
去。微軀排宕無主若堵墻。風吹庭樹以次漸入屋。琉璃珠  
珞閃爍盡飄揚。目迷心眩如走山陰道。始知眷眷徒自結  
熱腸。人生行樂諸事須爾爾。又看葵榴簇郁錦繡場。有人  
膠柱抑鬱愁中過。有人朝歡暮舞嬉忘荒。我將天地洪爐  
作鎔冶。夢幻泡影一過輒相忘。

神情飛舞有大  
珠小珠落玉盤  
之妙 弟立

諸作風神婉秀轉換不窮絕似帝京諸篇 雪川徐倬

五古難在淡七古難在淡五古難在分七古難在合不  
淡則俗不合則枯集中以秀筆發其藻思長篇短幅各  
臻其妙余館於容安之梅花書樓與容安子夜火晨光  
相處最久每讀其詩多抒寫性靈不屑隨人學步故所  
作於古調尤工洵不易才也 世弟王惟立中齋評

氣疎骨勁兼李杜之長七古之最出色者如但以工緻  
賞之猶未為淡知容安也 恬菴



